



INATSISARTUNI

Partii Inuit
Randi Broberg

UPA 2014/135-1
25.3.2014

Pillugu: **Kalaallit Nunaanni eqqartuussisarnermut inatsisip allanngortinneqarnera
pillugu Kalaallit Nunaanni inatsisip atuutsinnejalernernissaanut Namminersorlutik
Oqartussat oqaaseqaataat pillugu Inatsisartut aalajangiiffigisassaattut siunnersuut.**
(Eqqartuussiviit il.il. suliniuteqarfingineqarnerulernissaat)

(Ilauqutariinnermut Inatsisinillu Atuutsitsinerterut Naalakkersuisoq)

Partii Inuit annertunerusumik oqaaseqaateqarata, eqqartuussisarnermut inatsimmut
allanngutissatut siunnersuut isumaqataaffiginatigu itigartitsissutigissavarput.

Partii Inuit siunnersuummut itigartitsissuteqarneranut una tunngavigaarpit:

1. Eqqartuussiveqarnerup nutaamik aaqqissuunneqarneranut siunertaasimavoq, ilaatigut nunami maani ilinniartitseqqinnikkut suliassanik kivitsisinnaaneruneq anguniarneqassasoq. Tamakkulu siunnerfiit pillugit suliniutit qanoq ingerlasimanersut sunnguamilluunniit paasissutissiissutigineqaratik.

Partii Inuit pingaartippaat, Namminersulivinnissamik anguniagaqarneq pimoorussamik ingerlanneqassasoq.

Uuma siunnersuutip avataaniit sulisoqarnerup suli annertusiniarneqarnera
akuersaarsinnaanngilarput – Namminersulivinnissamik siunnerfimmut toqqaannartumik akerliummatt.

2. Sulisut avataaneersut amerlisarniarneqarnerat inatsisitigut illersugaanerup nukittunerulersinneqarnissaa ilimanaateqanngimmat.

Partii Inuit naatsersuutigginngilarput, avataanit suliartorsinnaasut amerlinerisigut innuttaasutut illersugaanerulernissarput. Akerlianik inuattut tatisimaneqarnitta patajaallisarneqarnissaa naatsersuutigaarpit.

Partii Inuit taama oqaaseqarluta itigartitsinerput nalunaarparput.